

**RUKOMETNI SAVEZ
BOSNE I HERCEGOVINE
PRVE LIGE FEDERACIJE BOSNE I HERCEGOVINE**



Propozicije takmičenja

SEZONA 2011- 2012

- Muške ekipe F BiH - sjever
- Muške ekipe F BiH - jug
- Ženske ekipe F BiH

Sarajevo, septembar – rujan 2011 god.

S A D R Ź A J

- 1. Takmičenje St. 3 čl. 1- 2**
- 2. Dvorana St. 3 čl. 3- 7**
- 3. Kalendar takmičenja St. 5 čl. 8-11**
- 4. Troškovi takmičenja St. 5 čl. 12-13**
- 5. Vođenje takmičenja St. 6 čl. 14-20**
- 6. Ekipe St. 7 čl. 21-31**
- 7. Organizacija natjecanja St. 10 čl. 32-49**
- 8. Službena lica utakmice St. 15 čl. 50-73**
- 9. Privremeni i trajni prekid utakmice St. 19 čl. 74-76**
- 10. Odlaganje utakmice St. 20 čl. 77-80**
- 11. Žalba na utakmicu St. 21 čl. 81-86**
- 12. Registracija utakmica St. 22 čl. 87-91**
- 13. Takmičenje St. 24 čl. 92-94**
- 14. Kaznene odredbe St. 25 čl. 95-102**
- 15. TV, radio, filmska, video I reklamna prava St. 28 čl. 103-104**
- 16. Prelazne odredbe St. 28 čl. 105-108**

Na osnovu člana 37. Statuta Rukometnog saveza Bosne i Hercegovine, Izvršni odbor Rukometnog saveza Bosne i Hercegovine (u daljem tekstu IO RS BiH), na svojoj sjednici održanoj u Sarajevu, dana 08.09.2011.godine, donio je:

PROPOZICIJE TAKMIČENJA PRVIH LIGA RS BIH

1. OPŠTI USLOVI

Član 1.

Ovim se Propozicijama takmičenja (u daljem tekstu Propozicije) određuje oblik takmičenja u Prvim ligama Rukometnog saveza Bosne i Hercegovine u ženskoj konkurenciji, i grupe Sjever i Jug u muškoj konkurenciji (u daljem tekstu PL).

Propozicije takmičenja objavljene su na oficijelnoj web stranici RS BiH: www.rsbih.com

Propozicijama se određuje poredak i druge obaveze, prava i dužnosti koja slijede iz takmičenja.

Član 2.

Sve ekipe učesnici takmičenja moraju biti registrovani do početka takmičenja.

Igrači, treneri i službena lica takođe moraju biti registrovani i licencirani do početka takmičenja.

2. DVORANA

Član 3.

Sve dvorane moraju biti dekorisane zastavama Bosne i Hercegovine i RS BiH.

Ekipa domaćin utakmice, koji priređuje utakmicu u registrovanoj sportskoj dvorani, koja u trenutku odigravanja utakmice ne ispunjava uslove iz stava 1.ovog člana, kazniće se novčanom kaznom.

Član 4.

Utakmice se igraju u sportskim dvoranama, koje je registrovao Komesar takmičenja i o tome izdao odgovarajuće rješenje.

Uslovi koje moraju ispunjavati sportske dvorane su:

- a) Teren za igru je dimenzija 40 x 20 metara, a pod mora biti od drveta ili drugog elastičnog materijala;
- b) Teren za igru mora biti odvojen od gledalaca ogradom koja mora da onemogući ulazak gledalaca na teren. Visina ograde je jedan metar i ista mora biti udaljena od terena za igru najmanje jedan metar;
- c) Na golovima moraju biti postavljene ispravne mreže;
- d) Dvorana mora biti pravilno osvijetljena i uz odgovarajući raspored svjetlosnih izvora. Jačina svjetla je najmanje 500 luksa;
- e) Dvorana mora da ima svlačionice za svaku ekipu posebno i posebno za sudije sa tuševima i sanitarnim uređajima.
- f) U dvorani mora biti posebna prostorija koja se stavlja delegate/kontroloru na raspolaganje, da bi se tu sastavio zapisnik sa utakmice.

g)U određenom prostoru pored terena za igru mora se postaviti zapisnički sto i pored njega sa obje strane klupe za rezervne igrače i službena lica. Klub sa odgovarajućim oznakama. Ljekar – zdravstveni radnik i spiker sjede pored zapisničkog stola.

h)Za zapisničkim stolom sjede samo delegat, zapisničar i mjerilac vremena. Iznimno za zapisničkim stolom mogu da sjede po jedan predstavnik ekipe i to kada u dvorani dođe do kvara na semaforu ili semafor uopšte ne radi.

i)Na klupama sjede rezervni igrači u sportskoj opremi i najviše četiri službene osobe sa odgovarajućim oznakama i svi su upisani u zapisnik sa utakmice.

j)U dvorani se mora nalaziti semafor za pokazivanje vremena i rezultata utakmice. Vrijeme se mjeri od 0 do 60 minuta ili 2 x 30 minuta.

k)U vrijeme igranja utakmice u dvorani mora biti istaknuta zastava BIH i RS BIH
Bez obzira što je dvorana službeno registrovana od strane komesara takmičenja, domaćin je obavezan da na svakoj utakmici osigura da svi naprijed navedeni uslovi u cjelosti budu ispunjeni, a utakmica će početi kada sudije utvrde da su se stekli uslovi za odigravanje utakmice.

Ekipa, domaćin utakmice, koji organizuje utakmicu u registrovanoj sportskoj dvorani, koja u trenutku odigravanja utakmice ne ispunjava uslove iz odredbe stava 2. ovog člana, kazniće se novčanom kaznom.

Član 5.

U sportskoj dvorani je zabranjeno pušenje.

Ekipa koji ne ispuni uslove iz odredbe stava 1. ovog člana, kazniće se novčanom kaznom.

Član 6.

U sportskoj dvorani gdje se igra utakmica zabranjeno je unošenje staklenih i tvrdih predmeta, pogodnih za bacanje u polje za igru.

Ekipa koja ne ispuni uslove iz odredbe stava 1. ovog člana, kazniće se novčanom kaznom.

Član 7.

U gledalištu sportske dvorane, najmanje dva (2) sata prije i za vrijeme utakmice, je zabranjena prodaja alkoholnih pića, kao i unošenje istih.

Ekipa koja ne ispuni uslove iz odredbe stava 1. ovog člana, kazni će se novčanom kaznom.

3. KALENDAR TAKMIČENJA

Član 8.

Termin igranja utakmica, u svim takmičenjima, mora biti usklađen sa Kalendarom takmičenja RS BiH.

Član 9.

Igranje utakmica izvan propisanog termina dopušteno je samo iznimno, o čemu odluku donosi Komesar.

Član 10.

Utakmice se igraju prema utvrđenom i usvojenom Kalendaru takmičenja sa početka takmičenja:

Petak od 17.00 do 20,00 sati,

subota od 15,00 do 20,00 sati,

nedelja od 13.00 do 17,00 sati i

srijedom od 17,00 do 20,00 sati,odgođene utakmice i utakmice koje su predviđene kalendarom takmičenja za igranje srijedom

odgođene i utakmice koje su predviđene kalendarom takmičenja za igranje srijedom.

Uz saglasnost obje ekipe i odluke Komesara utakmica se može odigrati i izvan vremenskog roka određenog u stavu 1. ovog člana.

Član 11.

Kalendar takmičenja na prijedlog Stručne komisije, nacionalnih trenera (trenera reprezentacija) izrađuje kancelarija RS BiH i usvaja IO RSBiH.

4. FINANSIJSKI TROŠKOVI

Član 12.

Ekipe su obavezni uplatiti kotizaciju za takmičenje na račun RS BiH.

Visinu i način uplate kotizacije iz stava 1. ovog člana se određuje odlukom IO RS BiH.

Ekipa koja ne uplati kotizaciju iz stava 1. ovog člana u vremenskom roku i na način koji je odredio IO RS BiH, ne može sudjelovati u takmičenju.

Za takmičarsku sezonu 2011/12 kotizacija je:

3.000,00 KM za ekipe u muškoj konkurenciji

2.000.00 KM za ekipe u ženskoj konkurenciji.

Kotizacije se uplaćuju u dva dijela.

Prvi dio kotizacije se mora uplatiti prije početka prvog dijela takmičenja (jesenji dio) 1.500,00 KM, odnosno 1000.00 KM za ekipe koji se takmiče u ženskoj konkurenciji a drugi dio prije početka drugog dijela prvenstva, proljetni dio u istim iznosima,

Član 13.

U skladu sa Odlukom IO RS BiH visina taksi za službena lica za sezonu 2011/12 je slijedeća:

- **sudijska taksa iznosi60,00 KM,**
- **delegatsko – kontrolorska taksa iznosi60,00 KM,**
- **dnevnica za službena lica iznosi..... 50,00 KM,**
- **taksa zapisničara i mjerioca vremena iznose po..... 20,00 KM,**

Putni troškovi se obračunavaju po daljinaru koji je sastavni dio ovih Propozicija i iznosi u visini autobusne ili vozne karte a u slučaju korištenja sopstvenog vozila službena lica imaju pravo naplatiti naknadu u iznosu od 0,50 KM po pređenom jednom kilometru.

Službena lica punu dnevnicu imaju pravo naplatiti samo u slučaju kada je u daljinaru, koji je sastavni dio ovih propozicija, utvrđena udaljenost od mjesta prebivališta službenog lica do mjesta odigravanja utakmice preko 150 kilometara u jednom smjeru. Za udaljenost od mjesta prebivališta službenog lica do mjesta odigravanja utakmice mjesta od 10 do 150 kilometara naplaćuje se jedna polovina dnevnice.

5. VOĐENJE TAKMIČENJA

Član 14.

Takmičenjima u Prvim ligama u organizaciji RS BiH, rukovode Komesari koje imenuje IO RS BiH.

Sjedište Prve lige grupa jug je Mostaru u ul. Blajburških žrtava 17 ,lamella F/3, a Sjedište Prve lige grupa sjever i žene je u Sarajevu ul. Čemaluša br.6/1

Komesar takmičenja je zadužen za kompletno organizacijsko – tehničko provođenje takmičenja.

Komesar u prvom stepenu donosi sve odluke u vezi takmičenja.

Član 15.

Obaveze Komesara su da:

- a) neposredno upravlja takmičenjima na osnovu Propozicija takmičenja i drugih akata RS BiH,
- b) vrši delegiranje službenih lica,
- c) odlučuje o svim pitanjima u vezi sa takmičenjem u prvom stepenu,
- d) odlučuje o kaznama u prvom stepenu,

- e) samostalno pokreće disciplinske postupke i odlučuje u prvom stepenu o kaznama u vezi sa prekršajima Klubova i pripadnika RS BiH na utakmicama,
- f) određuju utakmice visokog rizika,
- g) registruje utakmice
- h) radi i druge poslove i zadatke u pogledu uspješnog provođenja takmičenja.

Član 16.

Bilten je službeno i javno sredstvo izvještavanja i objavljivanja odluka i zaključaka Komesara. Komesar takmičenja je dužan redovno izdavati Bilten i to nakon svakog odigranog kola te ga putem elektronske pošte (e – mail) ili faksom dostavlja svim učesnicima takmičenja i postavlja na web sajt RS BiH.

U biltenu se objavljuju odluke Komesara donijete u prvostepenom postupku i postavljanjem biltena na web sajtu RS BIH smatra se da je izvršena dostava licu na kojeg se odluka odnosi..

Član 17.

Komesar ima pravo donijeti odluku, da se sve ili samo neke utakmice posljednja tri (3) kola, igraju istog dana i u isto vrijeme.

član 18.

Komesar ima pravo odrediti dan i sat početka utakmice, ukoliko se ekipa domaćin nije pridržavao odredbi iz člana 10. ovih Propozicija.

Član 19.

Komesar je obavezan u roku od petnaest (15) dana, računajući od datuma prijema žalbe, donijeti odluku o žalbi u prvom stepenu.

Član 20.

Komesar je dužan u provođenju disciplinskih postupaka primjeniti Disciplinski pravilnik RS BiH i odredbe ovih Propozicija.

VI EKIPE

Član 21.

Zapisnik mora biti sačinjen i potpisan prije početka utakmice od strane službenih predstavnika ljekara ili medicinskog tehničara.

Zapisnik se sačinjava u prisustvu:

- a) službenih predstavnika Klub,
- b) kontrolora,
- c) sudija,
- d) zapisničara i mjerioca vremena i
- e) ljekara / medicinskog tehničara.

Nakon završene utakmice zapisnik potpisuju sudije i kontrolor

Izvještaj uz zapisnik se potpisuje nakon odigrane utakmice a službeni prestavnici ekipa treba da daju eventualni kraći komentar sa utakmice ukoliko to smatraju svrsishodnim kao i sudije i kontrolor .

Ekipa čiji pripadnik ne potpiše zapisnik svojom voljom, kaznit će se novčanom kaznom.

Član 22.

Prije početka utakmice službeni predstavnik ekipe obavezno daje na uvid, delegatu trenersku člansku knjižicu s licencom za takmičarsku godinu koja je u toku.

Ekipa ima pravo nastupa bez trenera.

Ekipa koja nastupi bez trenera kazniće se novčanom kaznom.

Član 23.

Prije početka utakmice službeni predstavnik ekipe obavezno daje na uvid delagatu članske knjižice i licence igrača koji nastupaju na utakmici.

Igrači koji nemaju člansku knjižicu i licencu ne mogu nastupiti.

Član 24.

Prije početka utakmice službeni predstavnik ekipe obavezno daje na uvid delegatu članske knjižice i licence za sve službene osobe čija se imena upisuju u zapisnik sa utakmice. Službene osobe bez članske knjižice i licence ne mogu biti upisane u zapisnik sa utakmice.

Član 25.

Licence za takmičarsku sezonu izdaje RS BiH po Odluci IO RS BiH. Licence su razvrstane po bojama:

- **BIJELE** licence se izdaju igračima i ne mogu se koristiti za druge namjene. Jedna ekipa može imati neograničen broj licenciranih igrača.
- **PLAVE** licence se izdaju službenim osobama ekipa. Jedna ekipa može imati neograničen broj licenciranih službenih lica.
- **CRVENE** licence se izdaju samo trenerima. Jedna ekipa može imati neograničen broj licenciranih trenera..

Licence za sudije i delegate-kontrolore izdaje Udruženje sudija RS BiH.

Ekipe mogu u zapisnik prijaviti 16 igrača od kojih 2 igrača obavezno moraju biti 20 godina i mlađi

Ekipa koja u zapisnik unese 14 igrača i manje nije obavezna imati igrače mlađe od 20 godina

Član 26.

Igrači su obavezni nastupiti u jednaobraznoj sportskoj opremi klupskih boja, koje su prijavljene Komesaru takmičenja RS BiH. Ako i jedan i druga ekipa imaju sportsku opremu iste boje, gostujuća ekipa mora nastupiti u sportskoj opremi druge boje.

Boje dresova golmana jedne ekipe moraju biti iste i različite od boje dresova obje ekipe i protivničkih golmana.

Dresovi moraju imati brojeve na leđima najmanje veličine dvadeset (20), a na prsima najmanje deset (10) centimetara.

Brojevi igrača na dresovima moraju odgovarati brojevima u zapisniku.

Dopušteno je nošenje dužih gaćica ispod gornjih.

Ekipa čiji igrači, ne ispune uvjete iz odredaba stavova 1., 2., i 3. ovog člana, kaznit će se novčanom kaznom.

Član 27.

Igrač se moraju ljeakarski pregledati.

Igrači bez ovjerenog ljeakarskog pregleda nemaju pravo igranja.

Ljeakarski pregled se mora obaviti u sportskoj ili drugoj zdravstvenoj ustanovi.

Ljeakarski pregled su obavezni dva (2) puta tokom jedne takmičarske sezone (jesen/proljeće).

Ljeakarski pregled mora biti uveden u protokol zdravstvene ustanove i upisan u člansku knjižicu igrača s tačnim danom pregleda, te ovjeren pečatom zdravstvene ustanove i faksimilom ljeakara.

Član 28.

Pravo nastupa imaju svi ispravno registrirani, licencirani i ljeakarski pregledani igrači.

Igrači mlađi od šesnaest (16) godina života, moraju imati ovjeren specijalistički ljeakarski pregled, u slučaju kada nastupaju u seniorskoj konkurenciji.

Igračima pored specijalističkog pregleda moraju imati i ljeakarski pregled u skladu sa članom 27. ovih Propozicija.

Član 29.

Ako službeni predstavnik ekipe bude diskvalificiran, zapisnik će u ime ekipe potpisati druga službena osoba navedena u zapisniku sa utakmice.

Ekipa koja ne ispuni odredbe iz stava 1. ovog člana, kaznit će se novčanom kaznom.

Član 30.

Vrijeme čekanja protivničke ekipe iznosi petnaest (15) minuta, računajući od vremena određenog za početak utakmice.

Delegat ima pravo vrijeme čekanja produžiti do najviše trideset (30) minuta, računajući od vremena određenog za početak utakmice.

Ukoliko ekipa radi opravdanih razloga, kasni i više od vremena čekanja propisanog u stavu 1. i 2. ovog člana, delegat će istražiti mogućnost da se utakmica igra istog ili slijedećeg dana.

Ekipa koja neopravdano zakasni na utakmicu, kazniće se novčanom kaznom.

Ekipa koja neopravdano ne dođe na utakmicu kaznit će se novčanom kaznom.

Član 31.

Utakmice svih takmičenja RS BiH, igraju se prema Međunarodnim pravilima igre sa pravom nastupa do 16 (šesnaest) igrača.

7. ORGANIZACIJA UTAKMICE

Član 32.

Ekipa, domaćin utakmice, mora najkasnije sedamdeset dva (72) sata prije početka utakmice elektronskom poštom (mail), telegramom ili fax-om obavjestiti o datumu i vremenu početka utakmice:

- gostujuću ekipu i navesti boju svojih dresova,
- delegata,
- sudije,
- Kancelariju RS BiH i
- Komesara takmičenja.

Ekipa koji ne postupi u skladu sa odredbom stava 1. ovog člana, kazniće se novčanom kaznom za svaki telegram ili fax koji nije poslan, ili je poslan van propisanog roka.

Član 33.

Organizacija utakmice se smatra završenom, kada svi sudionici napuste sportsku dvoranu.

Ekipa domaćin utakmice je odgovorana za red i sigurnost u sportskom objektu. Domaćin mora gostujućoj ekipi i službenim osobama, pružiti potpunu sigurnost od dolaska u mjesto igranja utakmice pa do odlaska iz mjesta igranja.

Ekipa domaćin dužan je nadoknaditi svaku materijalnu štetu načinjenu na imovini gostujuće ekipe i službenih osoba. Visina naknade za pričinjenu štetu utvrđuje se na osnovu zapisnika nadležne policijske uprave i nadležnog osiguravajućeg društva.

Gostujuća ekipa i službene osobe odgovorni su za štetu nastalu u prostorijama koje su koristili za vrijeme utakmice i dužni su istu nadoknaditi na opravdani zahtjev vlasnika objekta.

Ekipa koja ne ispuni uvjete iz odredbi stava 1. 2. i 3. ovog člana, kazniće se novčanom kaznom.

Član 34.

Ekipa, domaćin utakmice, mora na vrijeme osigurati sportsku dvoranu u skladu sa odredbama iz ovih Propozicija.

Ekipa, domaćin utakmice, mora osigurati najmanje četiri (4) redara, koji moraju nositi vidljive oznake, i ne smiju biti mlađi od osamnaest (18) godina života.

Najkasnije trideset (30) minuta prije početka utakmice, Ekipa domaćin utakmice mora delegatu predati pismeni popis redara koji sadrži ime, prezime i JMB svakog od redara.

Ekipa, domaćin utakmice, mora omogućiti delegatu, ako on to zatraži, provjeru identiteta redara.

Ekipa, domaćin utakmice, pored četiri redara, mora prijaviti i Glavnog dežurnog i njegov JMB čije se ime unosi u zapisnik utakmice.

Delegat je obavezan u zapisniku utakmice ubilježiti osnovne podatke o glavnom službujućem.

Ekipa koji ne ispuni uvjete iz odredbi stava 1., 2., 3. i 4. ovog člana, kazniće se novčanom kaznom.

Član 35.

Početak utakmice određuje ekipa, domaćin utakmice.

Pri određivanju dana i sata početka utakmice ekipa, domaćin utakmice, mora obavezno uzeti u obzir mogućnost za upotrebu javnog prevoza, kako bi gostujuća ekipa imao što manje novčane troškove, što kraće boravio u mjestu igranja utakmice i što manje morao putovati u kasnim noćnim satima.

Član 36.

Ekipa, domaćin utakmice je obavezan na vrijeme, u skladu sa odredbama zakona, pismeno obavijestiti nadležnu Policijsku upravu o datumu i satu odigravanja utakmice.

Ekipa, domaćin utakmice, je obavezan najmanje trideset (30) minuta prije početka utakmice, delegatu predložiti pisani dokaz kojim je zatražila prisustvo policije, koji je ovjeren od strane Policijske uprave.

Ekipa koji ne ispuni uvjete iz odredbe stava 1. i 2. ovog člana, kazniće se novčanom kaznom.

Član 37.

Ekipa, domaćin utakmice obavezan je službene osobe isplatiti u skladu sa odredbama Propozicija, najkasnije trideset (30) minuta prije početka utakmice.

Ekipa koja ne ispuni obaveze iz odredbe stava 1. ovog člana, kazniće se sa novčanom kaznom, te se ekipa suspenduje do izmirenja svojih obaveza.

Član 38.

Ekipa, domaćin utakmice, obavezan je deset (10) minuta prije početka utakmice, osigurati dvije (2) ispravne lopte za igranje utakmice.

Ekipa koji ne ispuni obavezu iz stava 1. ovog člana, kazniće se sa novčanom kaznom.

Član 39.

Ekipa, domaćin utakmice, je odgovoran za nestanak električne energije u sportskoj dvorani, ako nestanak nije posljedica kvara.

Delegat je obavezan u zapisniku utakmice opisati događaj i ubilježiti tačno vrijeme prekida trajanja igre.

Ekipa, odgovorna za radnju iz stava 1. ovog člana, kazniće se novčanom kaznom.

Član 40.

Ulazak gledaocima u igralište nije dopušten jedan (1) sat prije početka utakmice pa sve do odlaska svih aktera sa igrališta.

Ulazak gledalaca u igralište za vrijeme utakmice smatra se slabo priređenom utakmicom, pa takav postupak delegat mora opisati u svom Izvještaju uz zapisniku sa utakmice.

Ulazak gledalaca u igralište, poslije završetka utakmice, a da time niko nije ugrožen, ne smatra se slabo priređenom utakmicom.

Ekipa, odgovorana za radnju iz stava 2. ovog člana, kaznit će se novčanom kaznom.

Član 41.

Ekipa, domaćin utakmice, je odgovoran za ispade gledalaca i bacanje raznih predmeta u igralište, što se smatra slabo priređenom utakmicom, pa učinjenu radnju delegat mora opisati u zapisniku utakmice.

Ekipa odgovoran za radnju iz stava 1. ovog člana, kazniće se novčanom kaznom.

Član 42.

Ekipa, domaćin utakmice, je odgovoran za nered u kojem učestvuju gledaoci ili za napad gledalaca na učesnike utakmice, pa učinjenu radnju delegat mora opisati u zapisniku utakmice.

Ekipa odgovorana za radnju iz stava 1. ovog člana ili prekid utakmice, kazniće se novčanom i vremenskom (zavisno od težine incidenta) kaznom zabrane nastupa u dvorani od jedne do šest utakmica.

Član 43.

U slučaju izricanja kazne iz člana 42. ovih Propozicija, najbliže mjesto u kojem se može odigrati utakmica mora biti udaljeno najmanje trideset (30) kilometara od mjesta iz kojeg dolazi kažnjena ekipa. Za određivanje udaljenosti od mjesta do mjesta primjenjuje se daljinar RS BiH.

Član 44.

Ekipa, domaćin utakmice, ubire cjelokupan prihod s utakmice.

Ekipa, domaćin utakmice, je obavezan najkasnije deset (10) minuta nakon završetka utakmice, delegata usmeno izvijestiti o broju prisutnih gledalaca.

Ekipa koji ne ispuni obaveze iz odredbe stava 2. ovog člana, kazniće se novčanom kaznom.

Član 45.

Ekipa, domaćin utakmice, je obavezan, bez naplate ulaznice, omogućiti prisutnost na utakmici osobama koje posjeduju zvanične iskaznice RS BiH

Ekipa koji ne ispuni obaveze iz odredbe stava 1. ovog člana, kazniće se novčanom kaznom.

Član 46.

Ekipa, domaćin utakmice, mora osigurati snimanje utakmice, a isto tako i svakom rukometnom klubu omogućiti nesmetano snimanje utakmice.

Utakmica se MORA snimati profesionalno i nepristrasno, sa upotrebom tehnike koja omogućuje praćenje toka snimanja utakmice na video zapisu po satima, minutama i sekundama.

Snimanje utakmice mora započeti sa izlaskom igrača na teren, uz praćenje toka utakmice od početka takmičenja prvog poluvremena, odnosno do odlaska igrača u svlačionicu. Nastavak snimanja započinje ponovnim izlaskom na teren igrača radi igranja drugog poluvremena i traje sve dok se utakmica ne završi.

Snimanje ne može prestati dok se svi igrači, sudije i službene osobe ne udalje sa terena.

Za vrijeme snimanja potrebno je povremeno pokazati semafor da bi se registriralo vrijeme i rezultat, a posebno kada se radi o spornim trenucima na utakmici.

Obavezno je snimati sve sporne momente na utakmici, kao i u prekidima utakmice, te obavezno ako ima spornih događanja poslije utakmice.

Na snimcima ne smije biti nikakvih prekida, niti rezanja, odnosno materijal na kaseti mora biti u tzv. “ **sirovom stanju** “.

Ekipa, domaćin utakmice, mora osigurati sve uvjete za snimanje utakmice snimatelju koga ovlasti RS BiH.

Ekipa, domaćin utakmice, obavezan je voditelju lige dostaviti snimak utakmice na CD ili DVD, najkasnije 72 sata nakon odigrane utakmice, bez obzira dali ima žalba ili ne.

Snimanje utakmice se mora najaviti ekipi domaćinu najkasnije četrdeset osam (48) sati prije igranja utakmice, i to u pismenom obliku.

Komesar takmičenja ima ovlaštenje donijeti odluku da se snimci svih ili pojedinih utakmica mu dostave odmah nakon završetka utakmice.

Ekipa domaćin je obavezan na zahtjev delegata utakmice mu predate snimak utakmice.

Ekipa koji ne ispuni obaveze predviđene odredbama ovog člana, kazniće se novčanom kaznom.

Delegat utakmice koji ne postupi po nalogu Komesara takmičenja biće kažnjen.

Član 47.

Ekipa, domaćin utakmice, mora osigurati dovoljno primjeraka zapisnika i omogućiti ispravno pisanje zapisnika.

Ekipa, domaćin utakmice, mora osigurati prikladnu prostoriju za nesmetano sastavljanje zapisnika:

Ekipa koja ne ispuni obaveze iz odredbe stava 1. i 2. ovog člana kazniće se novčanom kaznom.

Član 48.

U zapisnik se utakmice obavezno se upisuju imena, prezimena i broj licence, svih igrača i službenih predstavnika.

U zapisnik se utakmice obavezno upisuju imena i prezimena sudaca, delegata, zapisničara, mjerioca vremena i zdravstvene osobe.

Jedan od službenih predstavnika mora biti službeni predstavnik ekipe. On ima pravo uljudno sarađivati sa službenim osobama za zapisničkim stolom.

Trener smije samo kratkotrajno ustati sa klupe za rezervne igrače, radi zamjene igrača i davanja uputa o načinu igre.

Za uredno sastavljanje zapisnika odgovoran je delegat utakmice i isti će biti kažnjeni sukladno ovim propozicijama ukoliko zapisnik ne bude potpun prema uputstvu.

Član 49.

Ekipa domaćin utakmice, mora delegatu utakmice omogućiti u roku od (1) jednog sata, računajući od sata završetka utakmice, da fax-om dostavi Komesaru takmičenja zapisnik utakmice i izvještaj sa utakmice sa mogućim pisanim izjavama i to:

-Prva liga muškarci grupa SJEVER faks broj : 035 875 076 i 035 770 750

-Prva liga muškarci grupa JUG faks broj : 036/ 347-870 i 036/347-872

-Prva liga - ŽENE faks broj :038 220 – 440

Ekipa, domaćin utakmice, **mora delegatu utakmice** omogućiti u roku od jednog (1) sata računajući od sata završetka utakmice fax-om dostaviti zapisnik utakmici **Feni na fax 033 26 54 60 ili 26 54 61.**

Delegat utakmice je dužan SMS porukom javiti Komesaru takmičenja rezultat utakmice navodeći nazive ekipa i kratak komentar o istoj.

Delegat utakmice je dužan poslati SMS porukom tražene podatke na mobitel Komesara takmičenja i to:

-Prva liga muškarci grupa sjever broj 061 886 639,

-Prva liga muškarci grupa jug broj 063 795 048

-Prva liga - Žene broj 061 170 617

Ekipa koji ne ispuni obavezu iz odredbi stava 1. i 2. ovog člana, kazniće se novčanom kaznom.

Delegat koji ne ispuni obavezu iz odredbi stava 1.,2., 3. i 4. ovog člana, biće kažnjen.

Delegat utakmice je dužan originlni zapisnik sa izvještajem dostaviti u Sjedište lige; I liga grupa jug-RS H-B, ul. Blajburških žrtava 17,lamella F/3,88 000 Mostar, I lige grupa sjever i žene –RS BiH. ul. Čemaluša br.6, 71 000 Sarajevo.

8. SLUŽBENE OSOBE UTAKMICE

Član 50.

Službene osobe utakmice su:

- sudije, delegat-kontrolor i zapisničar i mjerilac vremena,
- ljekar-zdravstveni radnik,
- službeni predstavnici Klub,
- treneri, pomoćni treneri,
- te ostale osobe upisane u zapisnik sa utakmice.

Član 51.

Liste sudija i delegata-kontrolora usvaja IO RS BiH.

Član 52.

Svaka ekipa ima pravo, prema Odluci IO RS BiH, izuzeti od suđenja jedan sudijski par.

Zahtjev za izuzeće sudijskog para mora se dostaviti prije početka takmičenja i ono važi do kraja takmičenja i ne može se mijenjati u toku takmičenja.

Član 53.

Sudije i delegate-kontrolore suđenja određuju Komesar takmičenja.

Član 54.

Komesar vrši delegiranje sudija i delegata-kontrolora sa jedinstvene liste Prvih liga koju je usvojio IO RS BIH.

Lista može biti podijeljena po kvalitetu na A, B i C pa će i angažovanje lica sa istih biti u skladu sa procjenom Komesara uzimajući u obzir težinu utakmica.

Komesar nije obavezan primjeniti kvote utakmica za pojedine liste sudija i kontrolora suđenja već delegiranja će vršiti tako da utakmice sude najkvalitenije sudije i dužnost kontrolora obavljaju najstručnija lica za vršenje ove dužnosti.

Član 55.

Komesar je dužan posebno voditi računa o utakmicama visokog rizika.

Član 56.

Delegiranje će se načelno obavljati ponedjeljom za naredni vikend i eventualno srijedom poslije tog vikenda ako je to kalendarom takmičenja predviđeno.

Član 57.

Sudije i delegati imaju pravo bez posljedica otkazati vršenje službene dužnosti u određenom terminu.

Otkazivanje vršenja službene dužnosti mora se obaviti u pisanoj formi najkasnije u ponedjeljak do 12 sati.

Otkazano vršenje dužnosti ulazi u kvotu delegiranja.

Otkazano vršenja dužnosti nakon delegiranja, smatraće se opravdanim samo u slučajevima lične bolesti uz dokaz od zdravstvene ustanove uz prilaganje ljekarskog nalaza ili smrtni slučaj u užoj porodici. Drugi bilo koji razlog smatraće se neopravdanim otkazom.

Član 58.

Svaku utakmicu sude dvojica sudija sa grbom RS BiH.

Ako jedan od delegiranih sudija ne dođe, utakmicu će suditi samo jedan.

Ako na utakmicu ne dođe niti jedan sudija, određiće se dva suca, ili samo jedan sudija koji su na listi sudija, a zateknu se u sportskom objektu.

Ako se u objektu nalazi više sudija i ekipe se ne mogu složiti koji će od prisutnih sudija sa liste suditi utakmicu, delegat će odabrati dvojicu ili jednog sudiju.

Ako su sudije najavile da će zakasnuti, radi opravdanih razloga, utakmica se može odgoditi odlukom delegata, najviše za jedan (1) sat.

Član 59.

Radi nedolaska sudija, a nije moguće obezbijediti adekvatnu zamjenu, delegat ima pravo odlučiti, u dogovoru s Klubovima, da se utakmica igra u drugom terminu u roku od dvadeset četiri (24) sata i o svojoj će odluci odmah izvijestiti Komesara takmičenja.

Član 60.

Prije početka utakmice, sudije moraju u skladu sa Pravilima igre i ovim Propozicijama, pregledati igralište i sve u vezi s tim.

Ako sudije nedvojbeno ustanove da igralište ne omogućuje početak utakmice, usmeno će zahtijevati od domaćina utakmice da ukloni nedostatke. Ako to nije moguće, sudije će o svojim nalazima izvjestiti delegata i odlučiti hoće li se utakmica igrati unatoč uočenim nedostacima.

Član 61.

Domaćin utakmice je obavezan biti u prostoriji za sastavljanje zapisnika JEDAN (1) sat prije zakazanog termina utakmice sa svim potrebnim rekvizitima za sastavljanje zapisnika kao i gostujući predstavnik ekipe.

Ako se gore navedeno ne ispuni po bilo kom stavu ekipa domaćin će biti kažnjena.

Član 62.

Delegat utakmice je obavezan da provjeri u posljednjem Biltenu odluke komesar takmičenja RS BiH vezano za takmičenje u Prvim ligama BiH, (napr. zabrana nastupa, finansijsko kažnjavanje itd ...).

Neispunjavanje ove odredbe, delegat će biti kažnjen.

Član 63.

Delegat utakmice mora, prvog radnog dana nakon utakmice najkasnije do dvanaest (12) sati, poštom dostaviti Komesaru takmičenja originalni zapisnik, eventualne izjave igrača i službenih lica, izvještaj sa utakmice sa mogućim pisanim izjavama i Izvještaj o kontroli suđenja.

Delegat je obavezan izvještaj kontroli o suđenju dostaviti Komesaru takmičenja faksom ili elektronskom poštom najkasnije prvog radnog dana nakon utakmice najkasnije do dvanaest (12) sati

Neispunjavanjem ovih obaveza delegat će biti sankcionisan na osnovu ovih Propozicija.

Član 64.

Delegat-kontrolor zastupa KOMESARA TAKMIČENJA i obavlja poslove i zadatke u skladu sa odredbama ovih Propozicija i drugih propisa RS BiH.

Ako na utakmici ne dođe određeni delegat, zamjenjuje ga prvoimenovani sudija, sa svim pravima i obavezama.

Sudija koji zamjenjuje delegata, ili vrši dužnost delegata, nema pravo naplate delegatske takse.

Ako za zapisničkim stolom nema delegata, službeni predstavnici ekipa imaju pravo sjediti za zapisničkim stolom.

Član 65.

Delegat mora odmah nakon utakmice zatražiti pisanu izjavu od igrača koji je bio diskvalificiran ili diskvalifikovan uz prijavu kao i od službenih predstavnika ekipe koji su upisani u zapisnik a koji su bili diskvalificirani.

Obaveza je osoba iz stava 1. ovog člana da napišu pisanu izjavu u roku od petnaest (15) minuta, računajući od trenutka završetka trajanja igre.

Delegat mora izjavu ili izjave iz stava 2. ovog člana, dopremiti komesaru takmičenja

Na igrače koji su diskvalificirani radi trećeg isključenja na dvije minute, ne primjenjuje se odredba iz stava 1. i 2. ovog člana.

Delegat kontrolor nakon utakmice je dužan sa sudijama obaviti razgovor.

Ekipe čiji pripadnici ne ispune odredbe iz stava 1. i 2. ovog člana, kažniće se po svakom igraču ili pripadniku.

Službena lica koja ne postupe sukladno odredbi stava 5. ovog člana biće kažnjena.

Član 66.

Osobe koje daju izjave uz zapisnik, to moraju činiti na uljudan i dokazima potkrijeljen način i to samo o uslovima u kojima se utakmica igrala.

Komesar takmičenja će na osnovu tih izjava poduzeti potrebne mjere.

Član 67.

Ako iz nekog razloga, original zapisnika pisan tokom utakmice bude uništen, odmah nakon utakmice piše se novi zapisnik.

Za pisanje novog zapisnika poslužit će sudijske bilješke i bilješke delegata.

U novi zapisnik mora biti sve ubilježeno, jer se smatra da se dogodilo samo ono što je upisano u zapisnik utakmice.

Klub čiji je pripadnik odgovoran za trajni ili privremeni nestanak zapisnika, kaznit će se novčanom kaznom.

Član 68.

Protiv delegata, sudija, zapisničara i mjerioca vremena koji ne dođu na utakmicu, Komesar takmičenja će pokrenuti disciplinski postupak.

Službena lica koja naplate troškove veće od propisanih kaznit će se zabranom obavljanja dužnosti na 4 (četiri) utakmice i novčanom kaznom a u ponovljenom slučaju skidaju se sa liste.

Član 69.

Dužnosti zapisničara i mjerioca vremena mogu vršiti samo osobe, koje posjeduju licencu Udruženja sudija RS BiH.

Delegat mora provjeriti identitet zapisničara i mjerioca vremena, i to uvidom u licencu.

Ekipa, domaćin utakmice, na kojoj dužnost zapisničara i mjerioca vremena, vrše osobe bez propisane licence, kaznit će se novčanom kaznom.

Član 70.

Ekipa, domaćin utakmice, mora na vrijeme osigurati i službenog ljekara ili zdravstvenog tehničara, s potrebnim priborom za pružanje prve pomoći.

Zdravstvena osoba iz stava 1. ovog člana mora se javiti delegatu najkasnije trideset (30) minuta prije počeka Komesar takmičenja utakmice.

Utakmica se ne može igrati bez prisustva osobe zdravstvene struke .

Ekipa, domaćin utakmice, mora omogućiti delegatu, ako on to zatraži, provjeru identiteta osobe zdravstvene struke

Delegat je obavezan u zapisniku utakmice ubilježiti osnovne podatke o zdravstvenoj osobi-ljekaru .

Ekipa koja ne ispuni odredbe iz stava 1., 2., 3. i 4. ovog člana, kazniće se novčanom kaznom.

Delegat koji postupi suprotno ovoj odredbi kazniće se u skladu sa ovim propozicijama.

Član 71.

Klub ima pravo, pisanim zahtjevom, tražiti prisustvo supervizora ili kontrolora o svom trošku, i to najkasnije DVADESETČETIRI sata prije odigravanja utakmice, računajući od datuma i termina određenog za igranje utakmice.

Pisani se zahtjev iz stava 1. ovog člana dostavlja se Komesaru takmičenja. Supervizora određuje komesar takmičenja.

Član 72.

Ako supervizora određuje Komesar takmičenja ili IO RS BiH troškove dnevnica i putnih troškova snosi RS BiH.

Član 73.

Službene osobe su dužne doći u mjesto odigravanja utakmice DVA (2) sata prije vremena zakazane utakmice.

U dvorani moraju biti JEDAN (1) sat prije počeka Komesar takmičenja utakmice.

Ako službene osobe nemaju opravdan razlog kašnjenja kaznit će se u skladu sa ovim propozicijama.

9. PRIVREMENI I TRAJNI PREKID UTAKMICE

Član 74.

Utakmica se može prekinuti privremeno ili trajno. O prekidu utakmice odlučuju sudije, ako su iscrpljene sve prethodne mogućnosti, da bi se utakmica privela kraju.

Utakmica se prekida privremeno radi:

- velike hladnoće ili nesnosne vrućine ili ako se igralište u toku utakmice onesposobi za igru toliko da onemogućí nadzor nad loptom,
- rasvjete koja ne zadovoljava propisane uslove, ili nestanka elek. energije,
- neuljudnog vladanja gledalaca i nakon upozorenja od strane delegata,
- bacanja predmeta u igralište, na sudije, službene osobe ili igrače,
- nereda na igralištu, ometanja igre od gledalaca ili uopšte radi slabo priređene utakmice,
- drugih razloga koji su predviđeni Pravilima igre.

Kada se utakmica privremeno prekine, prekid traje dok se ne stvore zadovoljavajući uslovi za nastavak igre.

Utakmica se prekida trajno:

- fizičkog obračuna između pripadnika jedne i druge ekipe,
- radi fizičkog napada na učesnike utakmice s težim posljedicama,
- radi fizičkog napada na sudije i delegata-kontrolora, zapisničara i mjerioca vremena,
- kad su narušena Pravila igre i uslovi igranja utakmice toliko, da sudije, unatoč poduzetim mjerama, ne mogu utakmicu privesti završetku.

Prije odluke o trajnom prekidu, delegat i sudije moraju tražiti od ekipe domaćina utakmice:

- da oKomesar takmičenjaloni nedostatku u priređivanju utakmice, ako je prekid nastao radi slabo priređene utakmice,
- da uvede red u gledalištu i
- da isprazni gledalište ili djelomično udalji gledaoce.

Ako se ni tada ne osigura red na igralištu, sudije će trajno prekinuti utakmicu.

Klub čiji pripadnik/ca je kriv za prekid utakmice kazniće se novčanom kaznom.

Član 75.

Ako se igra ponovljena ili nastavlja privremeno prekinuta utakmica, dodatne troškove snosi ekipa koji je prouzrokovao prekid utakmice.

Ako je utakmica prekinuta radi vremenske nepogode ili više sile, tada svaka ekipa snosi svoje troškove a za sudije i delegata ekipa domaćin.

Član 76.

Ako je utakmica prekinuta privremeno iz člana 74. i ako se nisu stekli zadovoljavajući uslovi za nastavak igre u razumno kratkom roku, što cijene sudije i delegat, utakmica se nastavlja naredni dan. Ako i tada utakmica nije nastavljena smatra se da je prekinuta trajno.

Nastavak utakmice vodi se na istom zapisniku i sa istim akterima koji su i utakmicu započeli. Izmjene i dopune zapisnika nisu dopuštene.

10. ODGODA UTAKMICE

Član 77.

Komesar takmičenja može odgoditi pojedine utakmice ili cijela kola takmičenja, kada to zahtijeva opšti interes rukometnog sporta, a u vezi je sa nastupom reprezentacija BiH, ili nastupom jedne ekipe u međunarodnim takmičenjima ili pak iz drugih razloga.

Komesar Takmičenja na osnovu Kalendara takmičenja će odrediti termine odgođenih utakmica iz stava 1. ovog člana, vodeći računa o odredbama ovih Propozicija.

Član 78.

Klub koja želi odgoditi utakmicu, iz nekih drugih razloga, obavezana je Komesar takmičenja dostaviti pisani zahtjev, u čijem prilogu će se nalaziti pisani pristanak druge ekipe i pisani prijedlog o danu i satu odigravanja utakmice, na koju se odnosi zahtjev. Zahtjev iz stava 1. ovog člana, ekipa mora podnijeti najmanje deset (10) dana prije dana predviđenog za odigravanje utakmice.

Komesar takmičenja je obavezan donijeti odluku u vezi zahtjeva iz stava 1. ovog člana, u roku od tri (3) dana računajući od dana prijema zahtjeva.

Član 79.

Odgođene se utakmice moraju odigrati u vanrednim rokovima koje je Komesar takmičenja predvidile kalendarom takmičenja, osim ako Komesar takmičenja nije odlučila drugačije u cilju regularnosti takmičenja.

Član 80.

Komesar takmičenja i IO RS BiH, imaju pravo odgoditi odigravanje cijelog kola takmičenja i odrediti novi datum odigravanja.

11. ŽALBA NA UTAKMICU

Član 81.

Na odigranu utakmicu ekipa ima pravo izjaviti žalbu.

Žalba iz stava 1. ovog člana, se najavljuje najduže u roku od trideset (30) minuta, računajući od trenutka završetka utakmice utakmice, a prije zaključenja zapisnika utakmice.

U dopunski izvještaj sa utakmice moraju biti ubilježeni razlozi radi kojih ekipa izjavljuje žalbu.

Ekipa koja podnosi žalbu, je obavezana delegatu utakmice uplatiti taksu u iznosu od **200,00 KM**, a ovaj je dužan izdati priznanicu o izjavljenoj žalbi.

Utakmica na koju je izjavljena žalba može biti poništena.

U slučaju da žalitelj ne uplati taksu iz stava 4. ovog člana žalbu će zaključkom odbaciti Komesar takmičenja.

Član 82.

Komesar takmičenja ima pravo i obavezu poništiti utakmicu i na koju nije izjavljena žalba, ako se dogodilo nešto što je u očitoj suprotnosti s Pravilima igre, propisnicima RS BiH i ovim Propozicijama, a od odlučujućeg je značaja za konačni ishod utakmice.

Član 83.

Žalba radi igrališta, sprava i uređaja, čiji su nedostaci vidljivi prije utakmice, mora se najaviti delegatu prije početka utakmice.

Navedena žalba, izjavljena nakon utakmice neće se razmatrati.

Član 84.

U roku od četrdesetosam (48) sati, računajući od sata završetka utakmice, ekipa koja je izjavila žalbu, mora poštom, elektronskom poštom ili faksom dostaviti Komesaru takmičenja žalbu sa svim bitnim elementima i eventualnim priložima.

Član 85.

Na odluku Komesara takmičenja nezadovoljna strana ima pravo podnijeti žalbu drugostepenom organu Takmičarskoj komisiji RS BiH i to u roku od osam (8) dana, računajući od datuma prijema prvostepene odluke.

Nezadovoljna strana iz stava 1. ovog člana, koja podnosi žalbu, je obavezna na odluku Komesara takmičenja o žalbi, uplatiti taksu u **iznosu od 400,00 KM**.

U slučaju da žalitelj ne uplati taksu iz prethodnog stava žalbu će zaključkom odbaciti prvostepeni organ.

Član 86.

Žalba na prvostepenu odluku dostavlja se drugostepenom organu posredstvom prvostepenog organa.

Član 87.

Na odluku drugostepenog organa može se uložiti zahtjev za zaštitu zakonitosti.

Zahtjev za zaštitu zakonitosti iz stava 1. ovog člana predaje se u pisanom obliku, Predsjedništvu RS BiH, posredstvom Generalnog sekretara RS BiH i prvostepenog organa i to u roku od osam (8) dana, računajući od datuma prijema drugostepene odluke.

Na podnijeti zahtjev za zaštitu zakonitosti podnositelj istog dužan je uplatiti taksu u visini od 1.000.00 KM

U slučaju da podnositelj zahtjeva za zaštitu zakonitosti ne uplati taksu iz stava 3 ovog člana zahtjev za zaštitu zakonitosti će zaključkom odbaciti prvostepeni organ.

12. REGISTRACIJA UTAKMICA

Član 88.

Komesar takmičenja će na osnovu zapisnika utakmice i pismenih izvještaja službenih lica registrovati utakmicu rezultatom 10:0 u korist jedne Ekipe, ako:

- Ekipa nije doputovao na odigravanje utakmice iz neopravdanih ili nepoznatih razloga,
- igralište nije bilo osposobljeno za igru domaćinovu krivnjom,
- Ekipa odbije igrati utakmicu iz nepoznatih i neopravdanih razloga,
- Ekipa nastupi s igračem, koji nije imao pravo nastupa,
- Ekipa nastupi s igračem, kojemu je istekla valjanost ljekarskog pregleda,
- Ekipa napusti igralište ili odbije nastaviti započetu utakmicu,
- krivicom ekipe se trajno prekine utakmica,
- domaćin utakmice nije osigurao prisutnost ljekara ili zdravstvenog tehničara sa potrebnom opremom za pružanje prve pomoći,
- Ekipa odbije da utakmicu sude delegirane sudije,
- Ekipa nije izmirio svoje novčane obaveze prema RS BiH, prema pismenoj prijavi kancelarije RS BiH.
- Ekipa nije izmirila novčane obaveze prema službenim osobama utakmice, a prema Odluci Komesara takmičenja je suspendovana do izmirenja istih,

Osim što ekipa u slučajevima iz stava 1. ovog člana gubi utakmicu rezultatom 10:0, Ekipi se oduzima jedan (1) bod, od ukupno osvojenih bodova.

U slučaju kad je na utakmici postignuti rezultat povoljniji od 10:0, tada se on primjenjuje umjesto rezultata 10:0.

Član 89.

Ako je utakmica registrovana na osnovu odredbi člana 87. ovih Propozicija, Komesar takmičenja može protiv ekipe i njegovih službenih osoba ili članova, pokrenuti disciplinski postupak.

Ako ekipa ne odigra dvije utakmice ili utakmice se registruju 10:0 za protivnika iz bilo kojeg razloga, ekipa se isključuje iz daljeg takmičenja.

Član 90.

Ako ekipa iz opravdanih razloga ne dođe na utakmicu, razlog cijeni Komesar takmičenja, koji i određuje novi datum i vrijeme igranja utakmice.

Ako ekipa radi neopravdanih razloga ne dođe na utakmicu, mora platiti Ekipi, domaćinu utakmice, stvarne troškove priređivanja utakmice, koje određuje Komesar takmičenja.

Član 91.

Komesar takmičenja dužan je utakmicu registrovati u roku od petnaest (15) dana, računajući od dana igranja utakmice.

Utakmica se registruje na osnovu:

- zapisnika utakmice,
- pisanih izvjava sudija uz zapisnik sa utakmice,
- pisane izvještaje delegata uz zapisniku utakmice,
- mogućih naknadnih pisanih izvještaja sudija i delegata, te zapisničara i mjerioca vremena
- video kasete po potrebi;

Član 92.

Utakmica na koju je uložena žalba registrovat će se po završetku propisanog postupka.

13. TAKMIČENJE

Član 93.

Takmičenje se provodi prema dvostrukom bod sistemu i prema utvrđenom Kalendaru takmičenja.

Svaka ekipa mora biti jednom domaćin, a jednom gost.

Ekipa za pobjedu dobija tri (3) boda, za neriješen rezultat jedan (1) bod, a za poraz nula (0) bodova.

Član 94.

Završni se poredak (prva i druga faza) određuje se na osnovu osvojenih bodova.

Ako dvije i više ekipa osvoji isti broj bodova, poredak se određuje na slijedeći način:

- u obzir se uzimaju međusobni rezultati ekipa o kojima je riječ, a poredak na tabeli se određuje na osnovu osvojenih bodova na tako dobijenoj mini tabeli,
- ako je broj bodova isti, bolje je plasirana ekipa koja ima bolju razliku datih i primljenih pogodaka na tako utvrđenoj mini tabeli,
- ako je razlika datih i primljenih pogodaka jednaka, bolje je plasirana ekipa koja je postigla više pogodaka u gostima,
- ako se ni tako ne može odrediti poredak, ekipe dijele mjesto na završnoj tabeli.

Ukoliko se poredak ne može utvrditi na način opisan u stavu 1. ovog člana a riječ je o mjestu koje odlučuje o ulasku u viši rang takmičenja ili o mjestu koje odlučuje o prelasku u niži rang takmičenja, odigrat će se jedna utakmica na neutralnom terenu ili ako je više od dva Kluba igra se turnir po jednostrukom bod sistemu,

Ako utakmica završi neodlučno, igraju se produžeci dva (2) puta po pet (5) minuta.

Ako i tada rezultat bude neodlučan, pobjednik će se dobiti izvođenjem sedmeraca.

Ako u ligama učestvuju ekipe koje se takmiče van konkurencije (sa prefiksom II), završni se poredak određuje bez svih rezultata tih ekipa (brišu se).

Član 95.

Način popunjavanja Premijer lige u muškoj konkurenciji vršiće se tako da prvoplasirane ekipe Prvih liga grupa Sjever i Jug direktno ulaze u Premijer ligu.

Prvoplasirana ekipa Prve lige – žene direktno ulazi u Premijer ligu.

14. KAZNENE ODREDBE

Član 96.

Ekipa koja je prekršila pojedine ili više odredbi ovih Propozicija kažnjava se.

Sve kazne iz ovih Propozicija u ponovljenom slučaju mogu se udvostručiti u odnosu na prethodnu kaznu.

Sve se kazne uplaćuju na račun RS BiH i to u roku od četiri (4) dana računajući od dana objavljivanja Biltena na Web stranici RS BiH ili Fax Biltena.

Član 97.

Ekipe koje igraju utakmicu, a po odluci Takmičarske komisije, u posljednjem Biltenu su bili kažnjeni, obavezni su najmanje trideset (30) minuta prije početka utakmice, delegatu predložiti uplatnicu iz koje je vidljivo da je kazna uplaćena.

Ekipe koje ne ispuni odredbe iz stava 1. ovog člana, kaznit će se novčanom kaznom.

Ekipe koji ne uplate svoju finansijsku obavezu prema RS BiH ni nakon kažnjavanja prema stavu 2. ovog člana, se suspenduju do uplate a sve utakmice u toku suspenzije će se registrovati službenim rezultatom uz oduzimanje po jednog boda od već osvojenih bodova i dodatno se kažnjavaju novčanom kaznom.

Član 98.

Diskvalifikacija sa prijavom (izvješćem) ima za posljedicu i pokretanje disciplinskog postupka i automatsku suspenziju.

Kažnjeni igrač ili službena osoba je obavezan dati pismenu izjavu delegatu utakmice 15 minuta po okončanju utakmice.

Ekipa čiji član je diskvalifikovan sa prijavom (izvješćem) kažnjava se novčanom kaznom.

Član 99.

Diskvalifikacija se izriče igraču i službenim licima ekipe.

Ekipa čija službena osoba ili igrač-ica, bude diskvalifikovani, kaznit će se novčanom kaznom.

Igrač-ica ili službena osoba može biti kažnjena i sa jednom ili više utakmica ne igranja ili vršenja službene dužnosti, što zavisi od težine učinjenog prekršaja.

Ne važi automatska suspenzija, ako protiv prekršitelja nije podnijeta prijava u dopunskom ili u izvještaju uz zapisnik sa utakmice od strane sudija ili delegate/kontrolora utakmice.

Komesar takmičenja ima pravo pokrenuti i disciplinski postupak.

Član 100.

(1)Službena osoba koja dobiju **opomenu**, kaznit će se novčanom kaznom.

Član 101.

(1)Ekipa čija službena osoba na klupi za izmjenu igrača, bude **isključena na 2 minuta**, kaznit će se novčanom kaznom.

Član 102.

(1)Za nesavjesno obavljanje dužnosti delegat-kontrolor će biti kažnjen prema dole utvrđenoj skali i to:

1. Nesavjesno obavljanje dužnosti **2 utakmica nedelagiranja**
 - 1.1. Nesavjesno obavljanje dužnosti – naredni put **Skidanje sa liste**
2. Neuredno pisanje izvještaja **2 utakmica nedelagiranja**
 - 2.1. Neuredno pisanje izvještaja – naredni put **Skidanje sa liste**
3. Nedostavljanje zapisnika u roku **2 utakmice nedelegiranja**
 - 3.1. Nedostavljanje zapisnika u roku – naredni put **Skidanje sa liste**
4. Nepravovremeni dolazak na utakmicu **2 utakmica nedelegiranja**
 - 4.1. Nepravovremeni dolazak na utakmicu – naredni put **Skidanje sa liste**
5. Nedostavljanje izvještaja o obavljenom kontrolisanju
Suđenja Komesaru takmičenja i SSK **2 utakmica nedelegiranja**
 - 5.1 Nedostavljanje izvještaja o obavljenom kontrolisanju suđenja Komesaru takmičenja i stručno sudisjkoj komisiji - naredni put **Skidanje sa liste**
6. Neobjektivno prikazivanje činjenica kao i prikrivanje pojedinih činjenica

Skidanje sa liste

(2) Za nesavjesno obavljanje dužnosti sudije će biti kažnjene prema dole utvrđenoj skali i to:

1. Nesavjesno obavljanje dužnosti, **2 utakmica nedelagiranja**
- 1.2. Nesavjesno obavljanje dužnosti – naredni put **Skidanje sa liste**
2. Nepravovremen dolazak na utakmicu **2 kola nedelagiranja**
- 2.2. Nepravovremen dolazak na utakmicu – naredni put **Skidanje sa liste**
3. Neobjektivno prikazivanje činjenica u izvještaju **2 kola nedelagiranja**
- 3.2. Neobjektivno prikazivanje činjenica u izvještaju naredni put **Skidanje sa liste**
4. Neopravdan nedolazak na utakmicu **2 kola nedelagiranja**
- 4.2. Neopravdan nedolazak na utakmicu – treći put **Skidanje sa liste**

Član 103.

NOVČANE KAZNE IZREČENE NA OSNOVU POVREDA OVIH PROPOZICIJA

Član Kazna Iznos

2. DVORANA – POGLAVLJE

3. Novčani iznos od 200,00 KM
4. Novčani iznos od 200,00 KM
5. Novčani iznos od 150,00 KM
6. Novčani iznos od 150,00 KM
7. Novčani iznos od 200,00 KM

26

6. KLUBOVI – POGLAVLJE

21. Novčani iznos od 500,00 KM
22. Novčani iznos od 100,00 KM
23. Novčani iznos od 100,00 KM
26. Novčani iznos od 20,00 KM po igraču
29. Novčani iznos od 200,00 KM
- 30./4 Novčani iznos od 200,00 KM
- 30/5 Novčani iznos od 1.000,00 KM

7. ORGANIZACIJA UTAKMICE – POGLAVLJE

32. Novčani iznos od 100,00 KM
33. Novčani iznos od 500,00 KM
34. Novčani iznos od 200,00 KM
36. Novčani iznos od 200,00 KM
37. Novčani iznos od 200,00 KM
38. Novčani iznos od 200,00 KM
39. Novčani iznos od 200,00 KM
40. Novčani iznos od 1.000,00 KM
41. Novčani iznos od 500,00 KM
42. Novčani iznos od 1.000,00 KM
42. Zabrana nastupa u dvorani od 1 do 6 utakmica
44. Novčani iznos od 150,00 KM
45. Novčani iznos od 200,00 KM
46. Novčani iznos od 1.000,00 KM
47. Novčani iznos od 500,00 KM
49. Novčani iznos od 200,00 KM

8. SLUŽBENA LICA UTAKMICE – POGLAVLJE

61. Novčani iznos od 150,00 KM

65. Novčani iznos od 200,00 KM po igraču ili pripadniku

67. Novčani iznos od 300,00 km

68. Novčani iznos od 200,00 KM po osobi

69. Novčani iznos od 150,00 KM

70. Novčani iznos od 300,00 KM

74. Novčani iznos od 1.000,00 KM

14. KAZNENE ODREDBE – POGLAVLJE

96. Novčani iznos od 150,00 KM

97. Novčani iznos od 150,00 KM

98. Novčani iznos od 200,00 KM

99. Novčani iznos od 150,00 KM

100. Novčani iznos od 50,00 KM

101. Novčanom kaznom od 100,00 KM

Sve novčane kazne koje je izrekao komesar takmičenja moraju se uplatiti u propisanom vremenskom roku.

Izjavljena žalba na odluke komesara takmičenja ne odgađa izvršenje odluke.

15. TV, RADIO, FILMSKA, VIDEO I REKLAMNA PRAVA

Član 104.

Ekipa domaćin ima pravo da dodjeljuju televizijska, radio, video i filmska prava, kao i prava reklamiranja u sportskim dvoranama, za vrijeme svojih utakmica Prvenstva. RS BiH ima pravo postavljanja jednog reklamnog panoa veličine 200 x 80 cm ispred zapisničkog stola, bez naknade organizatoru utakmice.

Član 105.

Svi ekipe Prvih liga će izdati odobrenja, a na osnovu pismenih zahtjeva, svim zainteresovanim (televiziji, radio, novine i sl.). Ekipe se obavezuju da svim zainteresovanim dostavi na vrijeme sva potrebna obavještenja oko svojih utakmica.

16. PRELAZNE I ZAVRŠNE ODREDBE

Član 106.

Odredbe Propozicija tumači IO RS BiH. Sve što nije precizirano ovim Propozicijama, određeno je drugim propisnicima RS BiH.

Član 107.

Izmjene i dopune Propozicija vrše se na način i po postupku njihovog donošenja.

Član 108.

Datumom stupanja na snagu ovih Propozicija, prestaju važiti sve dosadašnje Propozicije.

Član 109.

Propozicije stupaju na snagu danom donošenja.

Izvršni odbor RS BIH